



U vezi sa realizacijom aktivnosti iz projekta NETWORKD koji se finansira iz IPA II Programa transnacionalne saradnje Interreg Dunav 2014-2020 – Sporazum o partnerstvu DTP-1-311-2.2, i u kojem Stručna služba za razvoj i međunarodne projekte predstavlja partnera za realizaciju projektnih aktivnosti na području Zeničko-dobojskog kantona, a zbog ukazane potrebe za zaključivanje ugovora, Stručna služba za razvoj i međunarodne projekte, dana **02.11.2018.** godine, objavljuje:

**JAVNI POZIV
za dostavljanje ponuda za pružanje vanjskih stručnih usluga fizičkih lica za realizaciju
projektnih aktivnosti iz Radnog paketa 1 (WP1) Projektni menadžment**

Angažovano lice će, kao vanjski saradnik, raditi na poslovima i zadacima koji se odnose na realizaciju aktivnosti iz Radnog paketa 1 (WP1) Projektni menadžment projekta NETWORKD definisanim odobrenom aplikacionom formom projekta. Ovi poslovi i zadaci podrazumijevaju koordinaciju projektnim aktivnostima na lokalnom nivou, kao i nivou partnerstva u projektu, komunikaciju sa stranim i domaćim partnerima, državnim institucijama nadležnim za programe i projekte EU, pripremanje izvještaja o realizaciji aktivnosti, finansijskih izvještaja, projektnih materijala i dokumentacije, kako slijedi:

- Aktivnost 1.1 (menadžment sastanci) koja podrazumijeva održavanje sastanaka projektnog menadžmenta;
- Aktivnost 1.2 (izvještavanje) koja podrazumijeva izradu administrativnih i finansijskih progres izvještaja;

Pored općih uslova (da je državljanin BiH, da je punoljetan, da ima opću zdravstvenu sposobnost za obavljanje poslova, da u posljednje dvije godine od dana objavljivanja poziva nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini, da nije obuhvaćen odredbom člana IX. 1. Ustava Bosne i Hercegovine), kandidat treba da ispunjava i slijedeće **posebne uslove**:

- a) završen fakultet društvenog ili tehničkog smjera, što se dokazuje kopijom diplome;
- b) odlično poznavanje engleskog jezika, što dokazuje kopijom potvrde;
- c) iskustvo na implementaciji projekata koje finansira EU i drugi donatori, što dokazuje kopijom potvrde ili ugovora o ranijim poslovima sklopljenim sa naručiocem posla;

Kandidati treba da dostave prijavu sa slijedećim prilogima:

- biografiju,
- dokaze o ispunjavanju navedenih posebnih uslova,
- ukupnu neto cijenu usluge za period angažmana po satu.

**Prijave je potrebno dostaviti Stručnoj službi za razvoj i međunarodne projekte ZDK
adresa: Kučukovići 2, 72000 Zenica ili na
e-mail: sluzba.razvoj@zdk.ba**

Ovaj javni poziv ostaje otvoren do kraja implementacije projekta (juni 2019.)